



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Sebastiani Henrici Penzingeri, Consistorialis
Passaviensis, Decani, & Parochi in Trauttmanstorff ad
Laitam Bonus Ordo Triplicis Formatae Concionis Moralis In
Omnia Festa Sanctorum In Amplissima ...**

Penzinger, Sebastian Heinrich

Solisbaci, 1698

Disc. XL. Magistra artium. Docet & instruit, ac illuminat ad salutem,
omnem sibi devotum.

[urn:nbn:de:hbz:466:1-51763](https://nbn-resolving.org/urn:nbn:de:hbz:466:1-51763)

DISCURSUS XL.

Maria Illuminatrix, Regina est Apostolorum.

Lucem mundi, Apostolos Christus ipse nominavit Exordium
 Matth. 5. cap. *Vos estis lux mundi*, quo indicavit, of-
 ficiū Apostolorum esse, ut lucis instar, prædican-
 do Evangelium omni creaturæ, docendo omnes
 gentes, & baptizando eos in nomine Patris & Filii & Spiri-
 tūs sancti, omnes in hoc mundo homines illuminarent; ita
 S. Augustinus. lib. 1. de Serm. Dom. in monte, cap. 6. Tom.
 4. *Hominibus illuminandis Apostoli missi sunt*, Apostoli ergo
 sunt quasi illuminatores. Virginis Mariæ nomen, inter-
 pretatur S. Bonaventura in Spec. cap. 3. quod sit idem, ac *Il-*
luminatrix, & revera supra omnes Apostolos cælum & mun-
 dum illuminavit universum, ut proinde sicut sol inter stel-
 las in firmamento, sic inter hæc cœlestia lumina Regina
 Apostolorum, in regno illo æternæ beatitudinis, Virgo Ma-
 ria Illuminatrix gloriosa resplendat, Veritatem SS. Pa- SS. Patres.
 trum firmet autoritas. *Maria, cujus nomen Illuminatricem*
sonat, sol est illuminans, qui fulgore suo omnia penetrat, quia
per omnes Angelos, perq̄ omnes sanctos illuminationem suam de- S. Bonaven-
monstrat. speculatur citatus S. Bonaventura. *Maria presen-* tura.
tiâ totus illustratur orbis, aded, ut & ipsa jam cœlestis patria S. Bernardus;
clariùs rutilet, virginæ lampadis irradiata fulgore. perorat S.
 Bernardus. serm. de Assumpt. B. V. *Sicut cetera luminaria* S. Bernardi-
irradiantur à sole, sic tota cœlestis curia à gloriosâ Virgine la- nus Senens.
rificatur, & decoratur. loquitur S. Bernardinus Senensis. serm.
 de Exaltatione B. V. in gloriâ. art. 1. cap. 3. *O Virgo! in hoc* S. Thomas
tuo natali mundum illuminasti, cælos letificasti, infernum à Villâ Novâ
exterruisti, lapsos sublevasti, infirmos & tristes in salutem
& latitiam erexisti. inquit S. Thomas à Villâ Novâ. Conc. 3.
 de

Richardus
à S. Laurent

de Nat. B. V. *Sicut sol natus est, ut illuminet totum mundum, sic Maria ad hoc nata est à Deo, ut misericordiam, veniam, gratiam, & gloriam, quasi lumen, à Deo impetret toti mundo.* scribit Richardus à S. Laurentio. lib. 7. de Laud. Virg.

B. Albertus
Magnus.

Maria interpretatur Illuminatrix, quia illuminat in dubio, ipsa est lux nostra, qua post Deum illuminat omnem hominem venientem in hunc mundum; si ergo circumdatus es tenebris, & abscondita est vita tua. Job. 3. respice Illuminatricem, invoca Dei Genitricem, & nomina Mariam. hortatur B. Albertus Magnus. in cap. 1. Lucæ. Tu O Virgo! sis Illuminatrix intellectui nostro, & impetra nobis gratiam Spiritus S., quâ mediante convenientes dignitati tuæ Conceptus non obfcurè formemus.

CONCEPTUS I.

Confirma-
tio, seu De-
ductio.

Fenestram cæli Virginem Deiparam vocat S. Fulgentius serm. de Laud. B. V. Mariæ. Cur fenestram appellat? Fenestra mediatrix est, per quam lux domibus communicatur, illuminatrix, per quam habitacula illuminantur, quò enim majores sunt fenestræ, eò clariora esse cubicula, quotidiana docet experientia; lumine gratiæ Mariam irradiavit Sol justitiæ, Christus Deus noster. *Gratiâ plena.* Lucæ. 1. cap. Mariæ Virginis Filius erat lux vera, qua illuminat omnem hominem venientem in hunc mundum. Joan. 1. cap. Hanc lucem de cælo per Mariam tanquam per fenestram, dedit nobis Deus, quâ mediatrice omnes homines de nocte erroris & ignorantiæ ad viam vitæ & veritatis ducerentur, quâ Illuminatricem omnis peccator ad conversionem serenaretur, & ad salutem. Verba sancti notatu digna sunt. *Facta est Maria fenestra cæli, quia per ipsam Deus verum fudit saculo lumen.* Adjungit S. Bernardus. Serm. 2. in Assumpt. B. V. *Ipsa nempe Mediatrix nostra, ipsa, per quam & nos Dominum Jesum, in domos nostras excipimus.* O zelo plusquam apostolico Illuminatrix Maria, Regina Apostolorum!

CON.

CONCEPTUS II.

Per desertum Arabiæ in terram promissionis duxit olim Deus populum suum electum Israël per diem in columnâ nubis, per noctem in columnâ ignis. *Dominus autem praecebat eos ad ostendendam viam, per diem in columnâ nubis, & per noctem in columnâ ignis, ut dux esset itineris in utroque tempore; nunquam defuit columna nubis per diem, nec columna ignis per noctem coram populo.* Nonne ut ait Apostolus Paulus 1. Cor. 10. cap. *Omnia in figura contingebant illis.* Cujus ergo hæc columna erat figura? S. Bonaventura in Psalm. cap. 3. Israël populi Christiani, columnam verò nubis & ignis Mariæ Virginis figuram esse interpretatur, nam sicut columna illa nubis & ignis diu noctuque illuminavit Israëlitas, ut per desertum Arabiæ in terram promissionis securi pervenirent, sic Virgo benedicta omnem hominem sibi devotum diu noctuque illuminat, ut per desertum hujus mundi tam immundi acerronei, ad cœlestem patriam, non tam lacte & melle fluentem, quam gaudiis abundantem sempiternis tutissimus perveniat; quemadmodum columna illa nubis & ignis nec per diem, nec per noctem defuit populo electo, sed continuo luxit indefessa, ita neque suis clientibus dilectis ullo unquam tempore deest piissima misericordiæ Mater, sed in extincto gratiæ & gloriæ lumine Auxiliatrix serenissima illucescit. Interpretem verè lacteum audiamus. *Considera, quòd Maria est Illuminatrix per beneficia lucidissima misericordiæ suæ, per quam multi in nocte hujus sæculi illuminati sunt spiritualiter, sicut quandoque filii Israël, per columnam ignis illuminati fuerunt corporaliter, juxta illud Psalmi: Deducit eos in nube &c. Maria est nobis columna nubis, quia tanquam nubes protegit ab astu divini indignationis, protegit etiam ab astu diabolica tentationis, sicut iterum dicitur in Psalmo: Expandit nubem &c. Maria quoque columna ignis est, illuminans nos, imò illuminans mundum multis misericordiæ*

sua beneficiis. Quid nos miseri, nos obtenebrati, quid in nocte huius seculi faceremus, si tam lucidam lucernam, si tam luminosam columnam non haberemus. exclamat proinde S. Andreas Cretensis. ferm. 2. de Dormit. B. V. O columna vivifica! non qua extorrem carnalem Israël illuminet, sed qua spiritalem illum, ceu accenso ex speculâ igne, divinitus pralucens, adfuerit veritatem deducat. O nubes tota lucida, & mons umbrosus, non qua improbum, ingratumq; Judaicum populum obtenebras, sed qua electo illi populo, genti illi sanctæ, maternis visceribus pralatis facibus illuceas! O Illuminatrix Christianorum! Regina Apostolorum!

CONCEPTUS III.

Pulchritudinem Mariæ mentes admirantur angelicæ, intra se invicem colloquentes: *Qua est ista, qua procedit quasi aurora consurgens, pulchra ut luna, electa ut Sol.* Cant. 6. cap. nec non & Joannes describens Virginem benedictam, in suâ Apocalypsi. cap. 12. ait. *Signum magnum apparuit in celo, Mulier amicta sole, & luna sub pedibus ejus, & in capite ejus corona stellarum duodecim.* Quare Angeli & cum eis Joannes angelicæ puritatis Virgo, luminaribus cœli amictam, stellis scintillantibus, sive minoribus etiam cœli luminibus undique circumdatam describunt? Dubium solvet liber creationis mundi: In principio creationis cœli & terræ, *Tenebrae erant super faciem abyssi.* Gen. 1. cap. ad depellendas has tenebras, & ad terram illuminandam, Deo omnipotenti complacuit ponere in firmamento cœli duo luminaria, solem & lunam, & stellas, hoc tamen pulcherrimo ordine disposuit, ut alternativè semper terram illuminarent, ita ut uno occidente, oriretur aliud, sic ad occasum solis, luna ascendit, istâ non lucente, scintillant stellæ, manè diluculo consurgit aurora, decora luminum cœlestium vice regina, quam denuò sol oriens splendore regio subsequitur, hæcque continuâ alteratione universus terrarum orbis illu-

stratur. *Posuit eas in firmamento cæli, ut lucerent super terram, & præessent diei & nocti, & dividerent lucem ac tenebras.* ibid. Soli & lunæ Reginam suam comparant Angeli, sole amictam, lunam sub pedibus, stellis coronatam describit Mariam Virginem S. Joannes, quia juxta mentem Richardi à S. Laurentio, in exordio citati, sicut sol, luna & stellæ creata sunt, & posita in firmamento cæli, ut totum universum illuminent mundum, sic Virgo Maria, ad hoc in Matrem Dei electa est, ut misericordiam, veniam, gratiam, & gloriam, quasi lumen à Deo impetret toti mundo: omnibus cæli luminibus, sive amicta, sive circumdata est Virgo Maria, quia in omni tempore, in omni loco, in omni opportunitate, manè & vespere, die ac nocte, mentes hominum cœlestibus illuminare mysteriis, devotas inspirare cogitationes, pia æternorum tabernaculorum desideria in cordibus marianis excitare non desinit. *Quis est, super quem sol & luna non luceat? Quis est, super quem misericordia Maria non resplendeat?* erumpit S. Bonaventura, in Spec. B. V. Lect. 10. & assentitur B. Albertus Magnus, Serm. 3. de Nat. B. V. *Sicut per stellam nox illuminatur, ita per beatam Virginem tota Ecclesia est illustrata.* Maria igitur Illuminatrix Ecclesiæ, Regina est Apostolorum.

CONCEPTUS IV.

Verba docent, exempla movent, præ millibus in sufficientem Mariæ Illuminatricis probam, deserviat pendens in Christi societate latro Dismas: quærite Dismam, qualem ipse in terris vitam duxerit? Respondebit vobis: impia, abominabilis Deo, scandalosa hominibus, execrabilis mundo, dignissima inferno vita mea fuit: Sed quis hominem tam perversum, latronem tam cruentum, adeò illuminavit, ut in cruce suspensus, jam quasi mortem spirans, vivâ fide, Dei Filium confiteri, Christum, spem firmam in eo ponere, charitate in Deum incendi, peccata sua humiliter

deprecari, & Paradisum supplex anhelare non dubitaverit, unde & in ultimo felix à Salvatore inaudiit: *Hodie mecum eris in Paradiso.* Quis, quæso, scelestum latronem hunc, tam subitò mutatum ab illo, ad tanta pietatis officia instruxit? Maria illustrissima Dismæ Illuminatrix fuit, ita concludit doctissimus Salmeron lib. 10. Tract. 40. ex verbis S. Joannis Evangelistæ 19. cap. rationem desumens. *Stabat autem juxta crucem JESU Mater ejus.* Maria dolorosissima Mater JESU sub cruce Filii stetit ex adverso Dismæ, in eum radios adeò perspicaces Maria misit Illuminatrix, ut in ultimâ jam mortis suæ horâ, peccata sua adhuc cordialiter deflendo, triplicem fidei, spei, & charitatis virtutem piè exercendo, requiem æternam sit adeptus, & lux æterna luceat ei, non aliâ, nisi Illuminatrice Mariâ, Apostolorum Reginâ.

Epilogus.

Dignum itaque, & justum est, ut seraphico in JESUM & Mariam amore incensi, hortantem sæpè sæpiùs recolamus S. Bonaventuram. in Spec. B. V. lect. 3. eidemque filiali devotione obsequamur: *Oremus charissimè, oremus devotissimè, oremus MARIAM, & dicamus: Eja Illuminatrix MARIA! dignissima Apostolorum Regina, adjuva nos, ut in gloriâ æternaliter illuminemur.* Amen.

*Fert aurora lumen, sitienti dat mare flumen
Sic fluit in animas, Virgo salutis aquas.
Surgens aurora est se colenti, mortis in horâ,
Grata labore quies, nocte serena dies.*

